

Date – 02/09/2025
Time - 07:30 -07:40Hrs
AKASHVANI AIZAWL

REGIONAL NEWS BULLETIN

HEADLINES (MORNING)

1. Hnuchhui kawnga hmanraw pawimawh lakkhawmna tur awmna lirthei, Mobile Forensic Vehicle 10 chu nimin khan Home Minister Pu K. Sapdanga'n a vailiam.
2. Minister Dr.Vanlalthlana chu a hna chanpual bakah Finance Department hnuaia Taxation thilah Chief Minister pui tura ruat a ni.
3. Prime Minister Narendra Modia chuan SCO memberte chu firfiakte chung a na taka che turin a ngen.
4. Afghanistan-a lirnghing tuarte chhawmdawl na tur bungrua thahnem tak India chuan a thawn nghal.

<><><>

FORENSIC

Hnuchhui kawnga hmanraw pawimawh lakkhawmna tur awmna lirthei, Mobile Forensic Vehicle 10 chu nimin khan Home Minister Pu K. Sapdanga'n a vailiam a, sorkar laipuiin cheng vbc 4 chuang senga a lei a ni.

Nikum July ni 1 atanga ram puma hman tan tak Criminal Law thar Bharatiya Nagarik Suraksha Sanhita, (BNSS) 2023 chuan Forensic lam hnuchhuina a dah pawimawh hle a. Dan tharah kum 7 chin chunglam hrem theihna reng reng eng pawh khawihnaah pawh Forensic expert in a endik a ngai a ti a. Forensic lamin an tih tur a hun taka an tih chat chat theih nan Sorkar laipui chuan State/UT tin FSL tih changtlunna turin khawl pawimawh leina tur leh pawikhawihna hmun thlen zung zung theihna tur Mobile Forensic Vehicle (MFV) leina tur sum a ruahman sak a. Mizoram FSL pawh khawl pawimawh 15 leina tur cheng vbc 6 leh nuai 13 leh Mobile Forensic Vehicle 10 leina tur a rawn pe a ni.

Tun dinhmunah hian Directorate of Forensic Science Laboratory, Mizoram New Capital Complex hnuaiah District Mobile Forensic Unit, Aizawl, Lunglei leh Champhaiah hawn a ni a, thawktu tur mithiamte pawh lak thuai an ni ang a, district dangah pawh hawn belh zel tura hmalak a ni ang.

Home Minister chuan he hunah hian thusawiin Mizoram Forensic Science Laboratory chuan India ramah hmahruaina neiin, case exam chhung rei lo ber, paperless a kal hmasa ber leh case tracking system nei hmasa ber a ni mek a ti a, chhuanawm a tih thu a sawi a ni.

Tunah hian Director Pu T. Lalropuia hovin expert 14 an awm mek a. Anni hian pawikhawihna a awmin Mizoram hmun hrang hrangah an kal thin a, laboratory ah an exam leh a, law court ah expert testimony pein an tul hle. Mizorama case lian tam takah Mizoram Police te nen thawk hovin rorelna dik a thlen theihna turin theihtawp an chhuah rah tam tak kan hmu tawh a ni.

<><><>

HOME MINISTER

Kumin September atanga December chhunga ruihhlo do beihpui thlakna tura sorkar ruahman, 'Operation Against Trafficking and Use of Drugs and Narcotics' chu nimin khan Home Minister Pu K Sapdangan a hawng.

Home Minister chuan Operation-ah hian sawrkar leh tlawmngai pawl tangkawp chuan Myanmar ramri hnaih khaw hrang hrang leh a chhehvela ruihhlo luhka nia hriat hmun 22 vilin, ruihhlo tawlhruk dang chat turin hma an la dawn a ni.

Home Minister chuan, khawpui, thingtlang leh ramriah boruak ralmuang siam an duh thu a sawi a; Myanmar atanga Mizorama ruihhlo lo luhna hmun nia hriat hmun 22-te hi sawrkar leh Central YMA hotuten an tlawh chhuah vek tawh a, ruihhlo dona atana thawktute mamawh leina tur leh an thâ tichak turin sawrkar chuan pawisa pawh a tul anga hman tur a ruahman a ti a ni.

Home Minister chuan ruihhlo do beihpui chu sorkar ringawt tih theih a nih loh thu leh tlawmngai pawlte tan pawh tlawmngaih chhuaha a thlawna tha senga tih sèn pawh a nih loh thu sawiin, sawrkar leh tlawmngai pawlte tangho erawh chuan kawro su takin hma an lak theih an beisei thu leh theihtawp an chhuah dawn thute a sawi.

He Operation atan hian Mizoram Police hnuaiah Special Squad mi 30 awmna din niin, he special squad member-te hi uluk taka thlan chhuahte an ni a, anni hian training tha tak an neih hnuah vawiin atang hian an duty-na tur hmunah an duty tan ang a, khawtlang hruaitute leh YMA-te nen thawkhoin, ngawrh takin hma an la dawn a ni.

<><><>

HULHLIAP SHORT STAY

Sorkarin ruihhlo ngaite enkawlna a kalpui Hulhliap Short Stay Centre camp chhuak te thiamthil inzirna tur Hulhliap Training Centre chu Dawrpui Vengtharah Social Welfare, Women & Child Development minister Pi Lalrinpuiin nimin khan a hawng a,

Training turin mi 80 an inziak lut a, Discipleship Training Centre-a Pathian thu zir tur mi pali sponsor an ni dawn bawk.

Minister Pi Lalrinpuii chuan training turte chu tumruhna nei turin a fuih a; electrician leh fabricator-te chu mi tin mamawh an nih avangin thiam taka an zir chuan eizawna tling a nih thu leh Mizorama thil tharte processing leh

packaging lama thawk tur mamawhna a awm reng thute a sawi a; training turte chu an hun tha bawhpelh lo tur leh hand holding policy hnuaiah pawh sawrkar chuan Hulhliap chhuakte a duhsak dawn thu a sawi.

Kan corr report lo ngaithla ang.

Hulhliap Short Stay Centre Batch 1-naah khan mi 256 inziak lutin, mi 116-in a tawp an thleng a; batch 2-naah mi 544 inziak lutin, a tawp thlengin mi 248 an awm a. Batch 3-naah inziaklut mi 212 zinga 170 a tawp thleng an awm bawk. Training tur mi 80 hi Hulhliap batch 1 leh 2-a mite an ni a; assistant electrician zir tur mi 34, aluminium fabrication zir tur mi 28 leh food processing zir tur mi 18 an ni.

Hawwna inkhawmah hian Task Group on Aftercare, Skill, Training & Handholding, Hulhliap - SSC chairman Pu Malsawmzuala Ralte pawhin thu sawiin, training-a telte chu an thiam thil zir chhuahte chhungkaw chawmna tlaka thiam tum tlat turin a chah a ni.

<><><>

EDN MINISTER

Minister Dr.Vanlalhlana chu a hna chanpual School Education Department, Higher & Technical Education Department leh a dangte bakah Finance Department hnuaiah Taxation thilah Chief Minister pui tura ruat a ni a,

He order hi Governor chuan nimin khan a ti chhuak a ni.

<><><>

LADC

Lai Autonomous District Council Budget session neih mek chu chu eptu lam ten Session koh a nihdan ah dan palzutna a awm ni a sawiin, rorel hlei thei lova siam a ni a,

LADC Budget Session hi kar kalta Zirtawpni khan tan niin Chairman Pu VL.Hmuaka kaihhruaina hnuai ah nimin khan chhhunzawm a ni a, wawiinah zawh tum a ni.

Nimin sessionah kum 2025-2026 Budget chu CEM Pu N.Zanguran a pharh a, kum 2025-2026 LADC Budget atan ruahman chu Cheng Nuai 26,335a nih thu leh heta tang hian Nuai 421 chu chhiah tlingkhawm atanga hmuh beisei a ni a ti.

Chairman in Budget sawihona hun a hawn ah eptu lam ten Session koh a nihdan ah dan palzutna a awm ni a sawiin, House ah inhnial buaina a chhuak a, Chairman Pu VL.Hmuaka chuan chawhma dar 11:15 ah Budget sawihona neih hleihtheih anihloh vangin Session hi chawhnu dar 2 a tan turin a titawp.

Session hi chawhnu lam ah Budget sawihona hun hman niin, Eptu lam ZPM lamin Session koh dan chu dan kalh a nih thu aupui leh in, tuna United Democratic Alliance Sorkar chu dan lova din a ni tiin House an chhuahsan a, hemi hnu hian Budget sawiho zui niin, rorellai lam chuan dan palzutna a awmlah thu an sawi.

LADC Budget Session hi vawiin hian zawhfel tum a ni a, kum 2025-2026 Budget pass tum a ni ang.

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Vawiin chawhnu dar 2 leh a chanve-ah Chanchinthar puan leh a ni ang.

<><><>

PM

Prime Minister Narendra Modia chuan SCO member te chu firfiakte chung a na taka che turin a ngen. Nimin SCO Summit Tianjin-a neihah he thu hi sawiin Pu Modia chuan firfiakte do kawngah lemchan a thiang lo tih sawiin firfiakte aruka tanpui thin leh lo hum ru thin ramte chungah hmalak a tul thu a sawi a. SCO thawhhona ti chak turin he hmalakna hi India chuan a ngaihpawimawh thu a sawi. Pu Modia chuan thawhhona tha chu lungphum pathum venhimna, inkalpawhna leh remchanna thaah te a inngat tih a sawi a. Inkalpawhna tha siam chu inrintawnna tilangtu anih thu sawiin India chuan Chabahar port siamte leh North-South Transport Corridor te chu a thlawp tlat tih a sawi baw k a ni.

Summit neih chhung hian Prime Minister Modia hian Russian President Vladimir Putin leh Chinese President Xi Jinping te a kawm baw k a ni.

<><><>

AFGHANISTAN EARTHQUAKE

Afghanistan-a lirnghing avangin mi 812 an thi a. Lirnghing tuarte chhawmdawl na tur bungrua thahnem tak India chuan a thawn nghal. External Affairs Minister Dr.S.Jaishankara chuan Afghan Foreign Minister Mawlawi Amir Khan Muttagi be pawp nghalin Afghan mi tam tak an thi chu paw i a tih thu a hrilh a. India chuan nimin khan mihring lo chen lailawkna tur puan in sang khat chuan Kabul ah a thawnlut nghal a ti a. Kabula Indian Mission atangin Kunar ah chhawmdawl na bungrua tonne 15 thawnluh nghal a ni tih a sawi a. Vawiin atangin chhawmdawl na tam zaw k thawn a ni ang a ti baw k.

Prime minister Narendra Modia pawhin Afghanistan lirnghinga mi tam tak an thi chu paw i atih thu social media kaltlangin a sawi baw k a ni.

<><><>

AMIT SHAH

Union Home Minister Amit Shaha chuan nimin khan Jammu a tuilenna hmunte a tlawh a. Pu Shaha chuan tuilianin chhiatna a thlente a enkual a. Tuilian tuar nasa ber Chak Mangu khua a tlawh bawh a ni. Pu Shaha chuan tuilenna hmunahte hian chhanchhuahna leh chhawmdawlna hna ngawrh takin thawh mek a nih thu a sawi a. Narendra Modia sawrkar chuan vanduaina tawh mipute chhawmdawl chu a ngai pawimawh hle tih social media lamah a tarlang a ni.

<><><>